

本草集要

本草集要中部藥品目錄

慈谿節齋王綸輯

草部上 計玖拾種

人參 沙參 天門冬 麥門冬

乾地黃 木 黃耆 甘草稍子

菊花 菖蒲 遠志草小 黃精

薯蕷 五味子 肉蓯蓉 瑣陽

兔絲 牛膝 女萎 薏苡仁根

石斛 巴戟天 補骨脂 川芎藤

當歸 芍藥 羌蔚子莖 車前子葉根

著實

卷栢

蒲黃蒲萼

續斷

骨碎補

菴藺子

疾藜子葉

地膚子葉

決明子

青箱子

漏蘆

天名精

丹參

玄參

紫參

茜根

茅根花苗

艾葉實

地榆

大小薊根

紅藍花花苗

脂子

牡丹皮

鬱金

姜黃

延胡索

莎草根

鱧腸

鼠尾草

劉寄奴

鷄冠子

柴胡

前胡

白微

黃連

胡黃連

黃芩

草龍膽

防已

葛根生根汁

葛較花

栝樓根莖葉

苦參

防葵

藍實葉

青黛

景天花

茵陳蒿

知母

貝母

地骨皮

紫苑

百部根

款冬花

白前

馬兜鈴

桔梗

王瓜子

菰根

茅根茅

苁蓿根油

蘆根蘆

蘭草

杜若

草部下

計壹百
拾肆種

獨活

升麻

細辛

防風

乾薑

生薑

麻黃根

白芷

藁本

天麻

赤箭

蒼耳

秦艽

狗脊

白鮮

水萍

木賊

羊躑躅

稀薹

附子

烏頭

射周

天雄

側子

半夏

天南星

何首烏

威靈仙

仙茅

白附子

良薑

草薺

葫蘆巴

白頭翁

阿魏

木香

懷香子

零陵香

肉豆寇

白豆寇

草豆寇

縮砂蜜

草澄茄

使君子

盧會

京三稜

蓬萊木

大黃

葶藶

澤瀉

旋花

旋覆花

石龍菊

通草

木通脫

瞿麥

百合

紫草

萱草根

宜男

燈心草

酸漿根

石韋

海藻

昆布

耳遂

大戟

澤漆

莨花

根

芫花

商陸

牽牛

蓖麻子

海金砂

白兔藿

徐長卿

大青

薺薊

鈎吻

常山

蜀漆

狼毒

牙子

鬼臼

續隨子

莖中白汁

鶴蝟

蚤休

預知子

水蓼

絡石

營實

根

蛇床子

王不留行

敗醬

惡實

根

白藥

乾苔

草蒿

藜蘆

射干

山豆根

蛇含

白歛

白及

羊蹄

連翹

百草灰

藺茹

金星草

紫葛

蒲公英

穀精草

牛扁

鴨跖草

夏枯草

山慈姑根

苘實

木部

計玖拾貳種

桂

牡桂

菌桂

槐實

枝白皮花

膠

栢實

皮葉白

松脂

實葉節根白皮花

茯苓

神茯苓

琥珀

枸杞

酸棗

山梔子

藥木

桓楹

竹葉

竹瀝竹茹苦竹葉

楮實

皮葉皮問白汁

山茱萸

枝

五加皮

杜仲

南藤

石南實

女貞實

桑根白皮

葉枝皮中白汁桑耳椹

桑寄生

南燭枝

合歡

益智子

榆皮

實花

乾漆

蔓荊實

牡荊實

瀝

辛夷

木蘭

釣藤

蕤荑

秦皮

蜜蒙花

藥華

仙人杖

丁香

蘇合香

沉香

藿香

紫真檀

龍腦香

安息香

杉材

乳香

檳郎

枳殼

枳實

厚朴

茗苦茶

烏藥

巴豆

皂莢

皂角針

大腹

烏桕木根皮

猪苓

郁李仁

根

吳茱萸

根南行枝

秦椒

蜀椒

椒目

胡椒

棟實

東行根皮

訶黎勒

麒麟竭

沒藥

紫葳

葉蔓

松烟墨

衛矛

虎杖根

天竺黃

蘇方木

椰子皮

殼中肉漿

椶櫚子

皮

楓香

皮楓子

柳華葉實

蕪荑

雷丸

白棘

五倍子

黃藥

椿木皮樗木根

桐葉花

梓白皮葉

釣樟根皮

梓木皮

千金藤

榧實

木鼈子

桃竹笋

梳篦

敗扇

菜部計煮拾捌種。

冬葵子

蜀葵花葉

黃蜀葵花子

菜菔根子

蕪青子根

芥子

白芥子

莧實

馬齒莧子

苦苣

薺子薺莢

瓜蒂花

苦瓠

茄子根

水蘄

繁菱

胡菱

蓼實

葉馬蓼
水蓼

葱實

白蔥

韭子

薤

葫

小蒜

假蘇

紫蘇

子蘇

水蘇

香薷

薄荷

果部

計拾
玖種

藕實

藕節荷
葉蓮花

鷄頭實

覆盆子

山查子

橘皮

青橘葉
核青皮

大棗

栗

殼

柿

梅實

白梅
葉

桃核仁

桃花

皂桃蟲葉
桃膠桃符

杏核仁

荔枝子核

木瓜實

安石榴

梨

胡桃

榛子
枇杷葉
沙糖

穀部
計拾
玖種

胡麻青葉
白油麻油
麻蕒麻子根
生大豆大豆

黃卷
豆豉
赤小豆腐婢
白菹豆花
菹豆

罌子粟粟殼
粟米
粳米
糯稻米稻稈

陳廩米
大麥麥藥
小麥浮麥
麴

酒糟
醋
醬
飴糖

石部
計柒拾
柒種

丹砂
玉屑
玉泉
石鍾乳

殷蘖孔公藥
雲母
陽起石
石膽

空青

曾青

扁青

禹餘糧

白石英

紫石英

五石脂

礬石

綠礬

消石

萍消

朴消

玄明粉

食鹽

戎鹽

鹵鹹

太陰玄精

無名異

滑石

石膏

凝水石

理石

長石

雄黃

雌黃

石硫黃

水銀

輕粉

靈砂

蜜陀僧

金屑

銀屑

珊瑚

硃砂

蓬砂

砒霜

磁石

柔鐵

鐵落

鐵精

鐵漿

鐵花粉

生鐵

鐵綉

釅錘

鎗墨

赤銅屑

銅青

自然銅

古文錢

鉛丹

粉錫

伏龍肝

石灰

礬石

石蠟

石鷲

桃花石

代赭

青礬石

薑石

花乳石

礪石

不灰木

漿水

地漿

半天河

千里水

東流水

臘雪

秋露水

獸部

計貳拾捌種

龍骨

齒角

象牙

膽骨前小橫骨

牛黃

牛角腮

髓 膽 肉 齒 弱

阿膠

鹿茸

角 髓 肉

白膠

麋脂

角

熊脂

膽

麝香

犀角

羚羊角

殺羊角

青 羊 肝 膽 齒 肉

虎骨

膏 灰 膽

豹肉

脂 齒

白馬莖

眼 懸 啼 齒 弱

牡狗陰莖

頭 骨 血 肉 乳 汁

狐陰莖

雄 糞 頭 心 肝

狸骨

肉 糞

兔頭骨

腦 髓 肉

豚卵

懸 啼 四 足

肝 膽

野猪黃

脂

獺肝

肉 膽 采

鼯鼠

膾腩臍

筆頭灰

敗鼓皮

諸血

禽部

計 拾 伍 種

丹雄鷄

冠 血 頭 肪 腸 肚 胫 黃 皮 累 鷄 子

鷺白膏

毛 肉

白鴨屎肉

鴈肪

鷓鴣

雀卵腦頭血肉

白丁香

伏翼夜明砂

鷲屎窠

鷹眼睛

烏鴉

鵲肉目睛雄鵲巢

鷓鴣頭

啄木鳥 魚狗

蟲魚部計伍拾肆種

石蜜蜜蠟白蠟

露蜂房

桑螵蛸

蚱蜢蟬蛻花

木蟲飛蟲

斑猫

蜻蛉

蜚螋

蜘蛛

蛻皮

牡鼠兩頭尖

五靈脂

蟬蛻

白殭蠶

原蠶蛾屎退

蜈蚣

石龍子

廣魚

蜈蚣

蛤蚧

鼠婦

衣魚

蝦蟇

蛞蝓

牛蛞

緣桑螺

螻蛄

白頸蚯蚓

屎

田中螺

牡蠣

石決明

海蛤

文蛤

真珠

貝子

龜甲

鼈甲

頭肉

蟹

瓜

水蛭

馬刀

蛤蜊

蚌

蚌粉

淡菜

蚺蛇膽

蛇蛻

白花蛇

烏蛇

鮫鯉甲

蠹魚

鯽魚

鯉魚膽

肉

烏賊魚骨

鰻鱺魚

青魚膽

石首魚

頭中石

人部

計玖種

髮髮龍髮

人乳汁

頭垢

人尿

人溺

浣禪汁

月經衣

婦人視襠

死人枕

已上十部。通計伍百肆拾伍品。

各經主治藥。

肝

當歸

心

麥門冬

脾

麻仁

肺

杏仁

腎

栢子仁

大腸

硝石

小腸

茴香

三焦

山藥

膀胱

苗香

心包絡

桃仁

本草集要中部藥品目錄終

本草集要中部卷之二

草部上

人參君味甘氣溫微寒氣味俱輕陽也陽中微

陰無毒

茯苓為之使。反藜蘆。惡白朮。生上黨者良。如人形者有神。九使去蘆頭。和

細辛蜜封固。千年不壞。

主補五臟。安精神。定魂魄。止驚悸。除邪氣。明目開心。益志調中。生津通血脈。治五勞七傷。虛損肺脾。陽氣不足。短氣少氣。腸胃中冷。心腹鼓痛。胃脇逆滿。霍亂吐逆。及胃久服輕身延年。

補上焦元氣升麻爲引用補下焦元氣茯苓爲之使肺受寒邪及短氣虛喘宜用肺受火邪喘嗽及陰虛火動勞嗽吐血勿用蓋人參入手太陰而能補火故肺受火邪者忌之仲景治亡血脈虛以此補之者謂氣虛血弱故補其氣而血自生陰生於陽甘能生血也治中湯同乾薑用治腹痛吐逆者裏虛則痛補不足也

沙參

臣

味苦甘氣微寒無毒

惡防已反藜蘆

主血積驚氣除寒熱補中益肺氣久服利人

安五臟止驚煩治常欲眠養肝氣療胃痺心
腹痛結熱邪氣頭痛肌熱浮風身痒卒得疝
氣下墜痛如絞者酒調末服

肺寒用人參肺熱用沙參沙參補五臟之
陰人參補五臟之陽

天門冬

君

味苦甘氣平大寒氣薄味厚陰也陽

中之陰無毒入手太陰經足少陰經

地黃貝母爲之

使畏魯青丸用去皮
去心服此忌食鯉魚

主諸暴風濕偏痺強骨髓殺三蟲去伏尸久
服輕身益氣延年保安肺氣去寒熱養肌膚

悅顏色益氣力利小便冷而能補治肺氣欬
逆喘息促急通腎氣止消渴療肺痿生癰吐
膿血熱侵肺吐衄妄行瀉肺火消痰補五勞
七傷

苦以泄滯血甘以助元氣治肺熱之功多
患人體虛而熱加而用之但專泄而不收
寒多者禁服肺氣喘促者加人參黃耆用

之神效○益氣延年

搗末每服酒調下三錢日三服煎去癥瘕

積聚風痰癰狂
瘟痺藥酒亦可

麥門冬

君

味甘微苦氣平微寒陽中微陰無毒

入手太陰經

地黃車前爲之使惡款冬苦乾畏苦參陰乾肥大者佳凡用抽

去不則
令人煩

主心腹結氣傷中傷飽胃絡脉絕羸瘦短氣
身重目黃心下支滿口乾燥渴上嘔吐愈痿
癰消穀調中治心肺熱及虛勞客熱通脉保
神強陰益精補心氣不足及治血妄行瀉肺
中伏火及肺痿吐膿安五臟令人肥健美顏
色有子久服輕身不老不飢

加五味子人參爲生脉之劑補肺中元氣
不足與地黃阿膠麻仁同用能潤經益血

復脉通心○愚按本經用治脾胃多後入

用治心肺多

乾地黄

君味甘苦氣寒味厚氣薄陰中之陽無

毒

得麥門冬清酒良惡貝母畏蕪荑陰乾生者水浸驗沉者名地黃力佳酒拌蒸九次

令黑爛者為熟陰乾者為生忌犯鉄器令人腎消亦忌食菜蕪令人髮白

主折跌絕筋傷中逐血痺填骨髓長肌肉作

湯除寒熱積聚除痺久服輕身不老

本經不分生熟

後人分用

酒灑蒸熟則微温入手足少陰經厥陰

經大補血衰須用之滋腎陰益氣力利耳目

主血虛勞熱老人中虛燥熱男子五勞七傷

女子傷中胞漏下血破惡血溺血產後血虛
臍腹痛○生者尤良大寒入手太陽經少陰
經涼血生血補腎水真陰不足瀉脾中濕熱
及血熱主婦人崩中不止及產後血上薄心
傷身胎動下血胎不落墮墜折傷瘀血衄血
吐血皆搗飲之患人虛而多熱加用之

熟則補腎生則涼血冒寒者斟酌用之恐
損胃氣有痰膈不利者薑汁炒用之恐泥

膈也○姙娠下血漏胎

生者同炙黃芩等
分為末酒調方寸

术君味苦甘辛氣溫味厚氣薄陰中陽也無毒

入足陽明經足太陰經防風地榆烏之使有蒼白二種尤者米泔

浸一二日去麤皮用服
二术忌食桃李雀蛤

主風寒濕痺死肌痙疸止汗除熱消食作煎

蝕久服輕身延年不飢本經不分蒼白後人分用白者又

入手少陽經少陰經除濕益燥緩脾生津補

脾胃進飲食除胃中熱消虛痰止下洩利小

便消腫滿及霍亂嘔逆利腰臍間血上而皮

毛中而心胃下而腰臍在氣主氣在血主血

又無汗則發有汗則止與黃耆同功○蒼者

氣味辛烈主大風在身面風眩頭痛除惡氣
辟山嵐瘴氣消痰癖氣塊心腹脹痛健胃安
脾寬中進食發汗除上焦濕功最大若補中
焦除濕力小於白朮又鹽水炒佐黃柏力健
行下焦腰足濕熱一名山精神農經曰必欲
長生當服山精

愚按二朮功用頗同俱能補脾燥濕但白
者補性多蒼者治性多

黃耆 味甘氣微溫無毒入手少陽經手足太

陰經

惡龜甲白鮮皮陰乾桑韌皮微黃肉中
白者佳治瘡瘍生用補虛蜜炒而用

主癰疽久敗。瘡排膿止痛。大風癩疾。五痔鼠
瘻。補虛小兒百病。治脾胃虛弱。瘡瘍血脈不
行。內托陰證。瘡瘍必用之。補丈夫虛損。五勞
羸瘦。補中生血。補肺氣。實皮毛。瀉陰火。爲退
虛熱聖藥。治虛勞自汗。無汗則發。有汗則止。
又治消渴腹痛。泄痢腸風。血崩帶下。月候不
勻。產前後一切病。補腎三焦命門元氣。藥中
補益。呼爲羊肉。

外行皮表。中補脾胃。下治傷寒。尺脉不至。
是上中下內外三焦之藥也。性畏防風。防

風能制黃耆黃耆得防風其功愈大蓋相
畏而相使者也故二味世多相須而用又
東垣云瀉陰火者謂內傷者上焦陽氣陷
下陰分而為虛熱非陰分相火之火也○
病風不能言脉沉口噤有形湯藥緩不及
事用黃耆防風煮湯數十斛置床下陷甲
氣如煙霧薰蒸之令口鼻俱受效
生入肉常有血疼痛同當歸等分為末貼
瘡上有惡肉少如硫
黃

甘草君味甘氣平生寒炒熟溫陽也無毒入足

厥陰經太陰經少陰經

白朮乾漆苦參為之使惡遠志犯大戟芫

花茸遂海藻去皮用
服此忌猪肉及菰菜

主五臟六腑寒熱邪氣。堅筋骨。長肌肉。倍力。
金瘡。腫解。毒。溫中下氣。煩滿。短氣。傷臟。咳嗽。
止渴。通經脉。利血氣。解百藥毒。久服輕身延
年。能補三焦元氣。健胃和中。養血補血。治腹
中急。縮痛。善和諸藥。使相協而不爭。故名國
老。性緩。能解諸急。熱藥用之。緩其熱。寒藥用
之。緩其寒。生用大瀉熱火。消瘡疽。與黃耆同
功。又治肺痿吐膿血。惟中滿禁用之。下焦藥
亦少用。恐太緩不能達。○稍子生用。除胃中

積熱去莖中痛○節生用消腫導毒

咽痛

灸二兩煎湯熱服或加桔梗名其桔湯

肺痿父咳嗽涕

唾寒熱

灸一錢七日二小便三合調末為末取小便三合調

初得赤白

痢

一兩灸豆冠七箇水三升煎一升分服又方一兩各生薑半兩漿水一升半煎

八合服小兒初生

取一指長炙取一指長炙綿漬點口

當吐惡汁令兒無病或加黃連一條尤妙

中烏頭巴豆毒及飲

饌中毒

灸汁服之又方加大中蠱毒無汙

當即吐出而石咭非毒也

菊花

君

味苦甘氣平寒無毒

桑白皮為之使正

五月採莖九月採花皆陰乾味甘而花黃應候開者入藥野菊味苦者名苦蕒大傷胃不

用又白菊
亦入藥

主風頭眩腫痛目欲脫淚出皮膚死肌惡風
濕痺身上諸風四肢遊風腰痛去來陶陶除
胃中煩熱安腸胃明目養目血去腎膜久服
利血氣輕身耐老延年

頭風眩眼昏旋倒

取九月九日花二三斤絹囊盛貯入酒浸七日

服之口三又用花釀酒名菊酒又有用花作枕俱治上病酒醉不醒應

花末飲下腫垂死

菊葉一握搗絞汁一升入口即活冬用其根

變白延年

三月上寅採苗六月上寅採葉九月上寅採花十二月上寅採

根並陰乾百日等分以成日合搗千許為末酒調一錢或蜜丸梧桐子大酒服七丸

日三服
久服效

菖蒲

君

味辛苦

氣溫無毒

秦艽為之使惡麻黃
忌飴糖羊肉勿犯鐵

五月十二月採陰乾生石澗
一十九節者良露根勿用

主風寒濕痺咳逆上氣開心孔補五臟通九
竅明耳目出音聲主耳聾耳鳴頭風鬼氣癰
瘡疥癩殺諸蟲止小便利四肢濕痺不得屈
伸下氣除煩悶止心腹痛久服輕身聰明不
忘不迷惑延年高志不老

胎動不安及日月未足而欲產

搗生根汁
二三升服

之血海敗及產後下血不止

用二兩入酒
四盞煎二盞

分作二服
小兒溫瘧積熱不解煎湯浴之中惡與卒

死鬼擊搗生根汁嚥之癰腫發背生搗末貼之瘡乾

遍身熱毒瘡痛不痒搗末二三斗布席上恣卧以被蓋之五七

愈日

遠志君味苦氣溫無毒得茯苓冬葵子龍骨良欬天雄附子毒畏珍珠

蔡蘆薈蠟四月採根葉陰乾丸使先去心不則令人煩

主欬逆傷中補不足除邪氣利九竅益志慧

耳目聰明不忘強志倍力利丈夫定心氣止

驚悸益精壯陽主夢邪去心下膈氣久服輕

身不老好顏色延年○葉名小草主益精補

陰氣止虛損夢洩

黃精

君

味卑氣平無毒

二月採陰乾單服九蒸九曝入藥生用

主補中益氣安五臟益脾胃潤心肺除風濕補五勞七傷久服輕身延年不饑耐寒暑博物志曰太陽之草名曰黃精餌之可以長生

薯蕷

巨

山名

味甘氣溫平無毒手太陰經藥門二

冬紫芝為之食惡其遂日乾生用懷慶者佳

主傷中補虛羸除寒熱邪氣補中益氣力長肌肉治頭風眼眩止腰痛強陰補心肺不足除煩熱涼而能補亦潤皮毛乾燥主泄精健

忘開達心孔多記事久服耳目聰明輕身不
飢延年。

五味子君味酸氣溫味厚氣輕陰中微陽無毒

入手太陰足少陰經菴菴為之使惡萎
經勝為頭陰乾

主益氣欬逆上氣勞傷羸瘦補不足強陰益

男子精止渴生津在上滋肺在下補腎又氣

耗散者用此收之多食致虛熱收補之驟也

夏月與黃耆人參麥門冬少加黃蘗煎服

使人精神頓加兩足筋力涌出寒月與乾

薑同用治肺寒氣逆欬嗽又火熱嗽必用

之。蓋火氣盛者。驟用寒涼藥。恐相逆。宜用五味子等。酸收之藥。歛而降之。

肉苁蓉

臣

味甘

酸鹹

氣微溫

無毒

五月五日採

陰乾

洗用酒

浸一宿

并別去浮甲

白漠如草樣。却用酒蒸酥。油塗炙。

主五勞七傷。補中除莖。中寒熱。痛養五臟。強陰益精氣。多子。婦人癥瘕。久服輕身。治男絕陽不興。及泄精尿血遺瀝。女絕陰不產。及血崩帶下。陰痛。暖腰膝。強筋髓。命門相火不足。以此補之。丹溪云。峻補精血。驟用反致動大。便。

瑣陽 味辛鹹酥油

補陰氣益精可代菟蓉治虛而太便燥結不

燥者勿用

菟絲子 君味辛甘氣平溫無毒得酒良酒浸暴乾再浸再暴

未用宜先不宜煮

主續絕傷補不足益氣力肥健療男子女人
虛寒腰痛膝冷添精補髓強陰堅筋骨主莖
中寒精自出溺有餘瀝鬼交泄精尿血口苦
燥渴寒血為積久服明目輕身延年

小兒頭瘡及女人面瘡煎湯洗之小兒熱癰取莖

葉援以
浴之

小兒痘瘡痒癩

取子及薑蒜煎濃湯熱漬洗之

牛膝

君

味苦酸氣平無毒

惡蟲甲畏白前陰乾長太而柔潤者佳酒

洗用忌牛肉

主寒濕痿痺四肢拘攣不可屈伸逐血氣傷
熱火爛墮胎久服輕身耐老療傷中少氣男
子陰消老人失溺補中續絕壯陽益精填骨
髓止髮白除腰脊痛婦人月水不通血結癥
瘕產後心腹痛并血暈活血生血能引諸藥
下行腰腿之疾不可缺病人虛羸加而用之

老瘡久不斷

取一握水六錢煎三盞作三服未發前服臨發又服

小便不利莖中痛欲死及婦人血結腹痛

取一大握酒煮飲之立愈金瘡痛及卒得惡瘡不識

取生

根搗竹木刺入肉

之即出

女萎

君即萎蕤

味甘氣平無毒

畏鹵鹹立春後採陰乾

主中風暴熱四肢拘攣不能動搖跌筋結肉

諸不足補五勞七傷主時疾寒熱虛勞客熱

頭痛目痛皆爛淚出心腹結氣濕毒脚膝痛

莖中寒久服去面黑點好顏色潤澤輕身不

老又云主霍亂洩利

薏苡仁

味甘。氣微寒。無毒。

八月採實。採根無味。

主筋急拘攣。不可屈伸。風濕痺下氣。除筋骨

邪氣。不仁。利腸消水腫。令人能食。久服輕身

益氣。○其根下三蟲

此藥力勢和

緩。凡用須倍於他藥

古方心肺藥多用之。治肺痿。肺癰。吐膿血

欬嗽。涕唾上氣。

取仁十兩。水三升。煎之。先入少酒。脹。

蠅蟲攻

心腹痛。

取根切。水煮濃汁。服之。蟲死。盡出。

石斛

君

味甘。氣平。無毒。

惡凝水。石巴豆。畏蠶。雷丸。生石上。採莖陰乾。

酒洗

蒸用

主傷中除痺下氣補五臟虛勞羸瘦強陰益
精壯筋骨補內絕不足治胃中虛熱有功平
胃氣長肌肉逐皮膚邪熱痹痛脚膝疼冷痺
軟弱久服厚腸胃輕身延年定志除驚

巴

戟天

使

味辛甘氣微溫無毒

覆盆子為之使
惡雷丸丹參採

乾根陰

主大風邪氣陰痿不起強筋骨安五臟補中
增志益氣療頭面遊風大風血癩小腸及陰
中相引痛補五勞利男子治夜夢鬼交泄精
病人虛損加而用之

補骨脂

一名破故絛

味苦辛氣大溫無毒

惡甘草忌羊肉酒浸

一宿東流水洗
蒸半日日乾

主五勞七傷風虛冷痺四肢疼痛骨髓傷敗
陽衰腎冷精流腰痛膝冷囊濕小便利及婦
人血氣

男子勞傷下元虛冷添精益氣

用一斤製
再用烏油

麻一升和炒令麻子聲絕搗去麻子取補
骨脂為末醋煮麴糊丸如梧桐子大溫酒
或鹽湯下又方同胡
桃肉研爛為丸服

芎藭

巨

味辛氣溫無毒少陽經藥入手足厥陰

經

白芷為之使畏黃連
形塊重實色白者良

主中風入腦頭痛寒痺筋攣緩急金瘡婦人
血閉無子治少陽頭痛血虛頭痛之聖藥散
肝經風頭面風不可缺又治一切血破癥結
宿血養新血鼻洪吐血溺血痔瘻腦癰發背
瘰癧癭贅排膿消瘀長肉上行頭目下行血
海通肝經血中之氣藥也治一切氣心腹堅
痛脇痛疝痛溫中散寒開鬱行氣燥濕○葉
名薜薺辛香亦治風辟邪

春秋註云麥麴鞠藭所以禦濕得細辛療
金瘡止痛得牡蠣療頭風吐逆單服久服

則走散真氣。辛散故也。○婦人經絡住驗

胎法

生為者。空心濃煎艾湯。下胎也。

婦人崩中

不止

一匙。腹內微動。是有胎也。婦人崩中
一兩到酒一大盞。煎五分。入生地黃。汁二合。煎二三沸。食前分作二服。

當歸

臣味辛。氣溫。陽中微陰。無毒。入手少陰

經。足太陰厥陰經。

畏菖蒲。海藻。惡熱。麴。陰乾。酒浸用。

主欬逆上氣。溫瘧虛勞。寒熱洗

音

在皮膚中。

婦人漏下絕子。諸惡瘡瘍。金瘡。煮飲之。又溫

中止痢腹痛。療齒痛不可忍。酒蒸治頭痛。諸

頭痛皆屬木。故以血藥治之。治血通用。和血

補血。破惡血。大補不足。決取立效之藥。氣血

昏亂服之即定能使氣血各有所歸故名當
 歸婦人產後備急男子補虛速效不可缺也
 頭止血身和血尾破血全用無效又云全
 用和血大抵全用在參耆皆能補血在大
 黃牽牛皆能破血從桂附則熱從硝黃則
 寒。

芍藥臣味苦酸氣微寒氣薄味厚陰也降也陰

中之陽有小毒入手足太陰經雷丸為之使惡石斛畏消

石龍甲小薊反黎蘆有赤白二種花亦有二色

主邪氣腹痛除血痺破堅積寒熱疝癰利小

便益氣通順血脉。抑肝緩中。扶陽收陰。補血散惡血。利大小腸。通月水。消癰腫。發背痔瘻。又下痢疾必用之。痢而腹中痛者。炒用。後重主用。

脾經之藥。白者補。赤者瀉。赤者利小便。下氣。白者止痛。散血。得炙甘草爲佐。治腹中痛。夏月少加黃芩。如惡寒而痛。加肉桂。又云。惟治血虛腹痛。蓋諸痛宜辛散。芍藥酸收。故也。酒浸炒。與白朮同用。則能補脾。與川芎同用。則能瀉肝。與參朮同用。則能補。

氣又產後不可使用以其酸寒伐生發之氣也又血虛寒人禁用又云冬月戒芍藥以避中寒

芫蔚子母即益味辛甘氣微溫無毒

主明目益精除水氣療血逆大熱頭痛心煩產前後諸疾行血養血難產久服輕身○莖主癰疹瘡可作湯浴苗葉同功搗傅丁腫乳癰搗苗絞汁服消丁腫諸惡毒腫子死腹中產後血脹血暈小兒痢

車前子君味甘鹹氣寒無毒五月五日採陰乾

主氣癰止痛利水道小便淋瀝除濕痺雖利
小便而不走氣與茯苓同功明目療肝中風
熱衝目赤痛養肺強陰益精令人有子又治
婦人產難爲末酒服之○葉及根主鼻衄瘀
血尿血搗汁飲之熱痢搗葉汁一盞入少蜜
煎服。

著實

著草之實

味苦酸氣平無毒

八月九月
株目乾

主益氣充肌膚明目聰慧先知久服不飢不
老輕身

卷栢

君

味辛甘氣溫平微寒無毒

五月七月
株陰乾

主五臟邪氣。女子陰中寒熱。痛癥瘕。血閉絕。子。治脫肛。散淋結。頭中風眩。痿躄。強陰。益精。鎮心。治鬼邪。啼泣。久服輕身。和顏色。生用。破血。灸用。止血。

蒲黃君味甘。氣平。無毒。

主心腹膀胱寒熱。利小便。止血。消瘀血。久服輕身。益氣力。延年。治一切吐衄。唾崩。腸風。血痢。尿血。撲血。血癥。帶下。月候不勻。心腹痛。產後諸血病。并瘡癰風腫。若破血消腫。即生用。補血止血。則炒用。○蒲萇。篩黃粉下。後有赤

澤是炒用以澁腸已洩殊勝。

續斷君味苦辛氣微溫無毒。

地黃為之使惡番九陰乾節節斷皮

黃穀者為其酒浸用

主傷寒補不足調血脉金瘡癰傷折跌續筋

骨婦人乳難產前後一切病崩中漏血尿血

金瘡血內漏止痛生肌及跌傷惡血腰痛關

節緩急縮小便止泄精子宮冷久服益氣力

骨碎補

使

味苦氣溫無毒。

棘根無時削去毛用

主破血止血補傷折骨碎療骨中毒氣風血

疼痛五勞六極亦入婦人血氣藥本名胡孫

舊唐明皇以其主折傷有效故名搗末煮黃
米粥和之。累傷處。

蒼簡子。

使味苦氣微寒微溫無毒。

刺實為之使陰莖狀如蒿

艾之類。

主五臟瘀血腹中水氣腫脹留熱風寒濕痺。
身體諸痛腰脚重。骨節煩疼。婦人月水不通。
消食明目。久服輕身。延年不老人家種此辟
蛇。

諸瘀血不散變成癰。

搗取生汁一升服之。

打撲損折。

瘀血。

并車服煮汁服之更妙。

疾黎子君味苦辛氣溫微寒無毒烏頭為之使

黑者有三角刺不入湯藥入丸散並炒用

主惡血破癥結積聚喉痺乳難久服長肌肉

明目輕身治身體風痺頭痛咳逆傷肺肺痿

小兒頭瘡癰腫陰瘡止遺瀝泄精弱血治風

明目最良○其藥主風痺可煮以浴

白癧風取白子生搗為末酒調服之又收花陰乾為末每服二三錢飯後溫

酒調服

地膚子君又名落蒂味苦氣寒無毒陰乾

主膀胱熱利小便補中益精氣強陰久服耳

目聰明。輕身耐老。作湯沐浴。去皮膚中熱氣。洗目。去熱暗。雀盲。澁痛。○其葉搗絞汁。主洩瀉。止赤白痢。解惡瘡毒。

決明子

臣

味鹹

苦

平

微寒

無毒

著實爲之使惡大麻

子。十月十日。採陰乾百日。

主青盲目淫。膚赤白膜。眼赤痛。淚出。除肝家熱。久服益精光。輕身。又解蛇毒。貼腦心。止鼻洪。日取一匙。按令淨空。心吞之。百日見夜光。作枕勝黑豆。治頭痛明目。

青葙子

味苦。氣微寒。無毒。

三月採莖葉陰乾。五月六月採子。

主邪氣。皮膚中熱。風瘙身痒。殺三蟲。惡瘡疥。
蟲痔蝕。下部蠱瘡。○子名草決明。療唇口青。
治肝臟熱毒。衝眼赤障。青盲。翳腫。益腦髓。明
耳目。鎮肝。

漏蘆

君

味苦鹹。氣寒無毒。

主皮膚熱。惡瘡疽痔。乳癰濕痺。下乳汁。止遺
溺。泄精尿血。腸風。治撲損。續筋骨。傳金瘡。止
血。長肉。久服輕身。益氣。耳目聰明。不老延年。
天名精。使一明麥句蘆味甘。氣寒。無毒。垣衣爲之使五月採
主瘀血。血癥欲死。下血止血。利小便。治金瘡。

折傷久服輕身耐老

丹參

臣

味苦氣微寒無毒

畏鹹水反藜蘆五月採根曝乾又云冬採

良夏採虛惡

主心腹邪氣腸鳴幽幽如走水寒熱積聚破
癥除癥止煩滿益氣養血破宿血生新血安
生胎落死胎止血崩帶下調婦人經脉不勻
治骨節疼痛四肢不遂腰脊強脚痺軟弱風
邪留熱頭痛眼赤熱溫狂悶中惡百邪鬼魅
腹痛惡瘡癰贅腫毒排膿止痛生肌肉

玄參

使

味苦鹹氣微寒無毒足少陰經君藥

惡黃

蒼乾薑大棗山茱萸乾薑三月四月採根日乾九用勿犯細

主腹中寒熱積聚女子產乳餘疾補腎氣令人目明強陰益精治暴中風傷寒身熱支滿狂邪忽忽不知人溫瘡洒洒頭風熱毒骨蒸傳尸邪氣血瘀堅癥散頸下核癰腫又此藥乃樞機之劑管領諸氣上下肅清而不濁治空中氤氲之氣無根之火此為聖藥也

紫參使

味苦辛氣寒無毒

畏辛夷三月採根火炙使紫色

主心腹積聚寒熱邪氣通九竅利大小便療腸胃大熱唾血衄血腸中聚血婦人血閉癰

腫諸瘡仲景治痢用之

茜根

味苦氣寒陰中微陽

二月三月採入藥炒用勿犯鐵氣

主寒濕風痺黃疸補中治六極傷心肺衄血吐血內崩下血尿血產後血暈乳結撲損瘀血去諸死血主蠱毒尤勝周禮庶民掌除蠱毒以嘉草攻之藁荷與茜也

中蠱或吐下血如爛肝

茜根藁荷葉根各二兩切水四升煮

取一升頭服之

茅根

臣

味甘氣寒無毒

六月採

主勞傷虛羸補中益氣除瘀血血閉寒熱利

小便下五淋止消渴解腸胃熱婦人崩中○
苗如針謂之茅針可噉益小兒生授傳金瘡
止血并痛煮服之主鼻洪及下血溺血惡瘡
腫未潰者煮服之主潰一針一孔二針二孔
○花亦主衄血吐血金瘡

艾葉

使味苦氣微溫陰中之陽無毒

三月三日
五月五日

採陳久者良亦生搗
汁用又作煎勿見風

主灸百病可作煎止下痢赤白吐血衄血瀉
血婦人漏血安胎止腹痛辟風寒暖子宮使
人有子除心腹惡氣一切鬼氣利陰氣生肌

肉療五臟痔下部蠶瘡汁殺蛇蟲醋煎作煎

治癰良○實主明目壯陽助陰治鬼氣

治百惡鬼氣

取實和乾薑并為末蜜丸如桐子大空心服三十丸以飯

壓之日再服又熟艾如鷄子大三枚水五升煎取二升頻服亦可

病人齒

無色舌上白喜睡不知痛痒處或下痢此

蠶蟲食下部也急治之

以竹筒一頭納下部孔中一頭燒艾

令烟入少雄黃良

地榆

味苦甘酸氣微寒氣味俱厚陰也無毒

得髮良惡麥門冬

主婦人乳痃痛七傷帶下病月水不止血崩

產前後諸血疾。腸風血痢。赤白痢。及小兒疳
熱。瀉痢極效。療金瘡止痛。除惡肉。蝕膿。諸瘻
惡瘡。熱瘡。可作金瘡膏。

性沉寒。入下焦。熱血痢則可。若虛寒人水
瀉。及冷痢。勿輕用。○小兒疳痢。濃煮汁飲
之。

大小薊根。

味甘苦。氣溫。又云涼。

五月採
陰乾。

主養精保血。大薊主女子赤白沃。安胎止吐
血。衄血。下血。療癰腫惡瘡。生研酒并小便任
服。又鹽研。膏傳。小薊專主血疾。

紅藍花

味辛甘苦氣溫陰中之陽無毒堪作

及染真紅

主產後血暈口噤腹內惡血不盡絞痛胎死
腹中並酒煮服又主蠱毒下血多用則破血
少用則入心養血和血與當歸同功○苗生
搗傳遊腫○子吞數粒主天行瘡子不出○
臍脂主小兒疳耳滴耳中

喉痺塞不通搗為一花絞汁一喉痺塞不通搗為一花絞汁一

前法一切腫搗取汁服之一切腫搗取汁服之

子中風血熱煩渴煎血氣刺痛取子一升子中風血熱煩渴煎血氣刺痛取子一升

杵碎酒拌

西華重并為煉蜜水如樹子大空腹酒服四十粒

牡丹

味辛苦氣寒。陰中微陽無毒。入手厥陰

經。足少陰經。

畏兔絲子。根皮去心。

主寒熱中風。癰瘰癧。驚癇邪氣。虛勞無汗。骨蒸熱瀉。陰中火。除癥堅瘀血。留舍腸胃不消化。衄血吐血。女子經脉不通。血澀腰痛。治胎下胞產後一切冷熱血氣。治神志不足。安五臟。療癰瘰。排膿止痛。

欝金

味辛苦氣寒。純陽無毒。

色赤似姜黃。

主血積下氣。涼心止血。破惡血。血淋。尿血。女

人宿血氣心痛溫醋摩服之治金瘡
啖馬藥主馬熱病小兒方馬醫多用之
草也古用合釀酒以降神
亦芳

衍義云不香丹溪云性輕揚能致遠
於高遠如龍涎無香能散達諸香之
因輕揚之性古人用以治鬱遏
氣耳

黃 味辛苦氣寒又云溫無毒
色黃

鬱金云是經種三
年已上老薑也

主心腹結積疰忤下氣脹治氣爲最
月經治撲損瘀血產後敗血攻心消
通

其

似薑

主治功力烈於鬱金

延胡索 味辛苦氣溫無毒入手足太陰經生

國如半夏色黃

主破血產後諸病因血所為者婦人月經不調腹中結塊崩中淋露因損下血產後血暈暴血衝上或酒摩及煮服又治心氣痛小腹
痛暴腰痛

莎草根 一名香 味辛氣微寒陽中之陰無毒 乾陰

石韋根 或切細

主除胃中熱死皮毛久服益氣長鬚眉大能

下氣開鬱又逐去瘀血炒黑能止血治崩漏
血中之氣藥凡血氣藥必用之能引血藥至
氣分而生血婦人之仙藥也

婦人乳腫痛

梅未醋煮
厚傳之

鱧腸

即旱蓮
子草

味甘酸氣平無毒

陰乾

主血痢針灸瘡發洪血不可止者傳之立已
汁塗髮眉生速而繁作烏髮藥用之

鼠尾草

味苦氣微寒無毒

四月採葉七
月採花陰乾

主鼠瘻寒熱下痢膿血不止白花者主白下
赤花者主赤下濃煮汁服或為末粥飲下

劉寄奴草 味苦氣溫無毒

主破血產後餘疾下血止痛極效治心腹痛
下氣水脹

鷄冠子

氣涼無毒

入藥必用

止腸風瀉血赤白痢婦人崩中帶下

茈胡

君

味苦氣平微寒氣味俱輕陽也升也陰

中之陽無毒少陽經厥陰經行經之藥

半夏為之

使畏女苑黎蘆生銀夏者最良

主心腹去腸胃中結氣飲食積聚寒熱邪氣
推陳致新久服輕身明目除往來寒熱早晨

潮熱傷寒心下煩熱諸痰熱結實胃中邪逆
痛本經頭痛

在經主氣在臟主血婦人產前後必用之
藥加以四物秦艽牡丹皮等同爲調經之
劑佐以三稜廣茂巴豆之類能消積血治
傷寒寒熱往來爲最要藥又治瘡必用之
又能引清氣行陽道升提胃氣上行春令
又後人治勞方中多用之若止虛勞而無
實熱用之致死

前胡

使

味苦氣微寒無毒

半夏爲之使惡
皂莢畏熟蘆

主痰滿胃脇中痞心腹結氣風頭痛去痰實
下氣最要治傷寒寒熱推陳致新明目治小
兒一切疳氣

白薇

臣

味苦鹹氣平大寒無毒

惡黃耆大黃乾薑乾漆山茱萸

大棗三月三日採根陰乾

主暴中風身熱支滿忽忽不知人狂惑邪氣
寒熱酸疼溫瘡洗洗發作有時療傷中淋露
下水氣

黃連

臣

味苦氣寒味厚氣薄陰中陽也無毒入

手少陰經

黃岑龍骨爲之使惡菊花羌花玄參畏款冬勝烏頭解巴豆毒服之

惡猪肉
忌冷水

主熱氣目痛皆傷泣出明目腸癖腹痛下痢
婦人陰中腫痛久服令人不忘鎮肝益膽眼
暴赤腫久下赤白膿血為治痢之最解熱毒
瀉心火止驚悸止消渴調胃厚腸除脾胃中
濕熱煩燥惡心鬱熱在中焦兀兀欲吐心下
痞滿及諸瘡腫毒必用之又主形瘦氣急小
兒疳氣酒浸炒上行薑汁炒辛散衝熱有功

治痢

同木香搗末白蜜丸如桐子大
空腹下二三十丸日再服神效

又方

與乾薑各為末每服用
連二錢空心溫酒下

久脾泄

用一兩同
生薑四兩

慢火炒令薑乾去薑取連
小兒食土和好
煎汁投之
日乾與服

胡黃連

味苦氣平無毒

惡菊花玄參生胡國
似乾楊柳枝心黑外

黃折之塵出如烟者
真忌猪肉令人漏精

主久痢成痔傷寒咳嗽溫瘡骨蒸勞熱補肝
膽明目理腰腎去陰汗小兒驚癇寒熱不下
食霍亂下痢小兒藥多用之又治婦人胎蒸
虛驚

黃芩

臣

味苦氣平寒味薄氣厚陽中陰也無毒

入手太陰經

山茱萸龍骨為之使惡葱實畏
砂牡丹黎蘆三月三日採根

陰乾

主諸熱黃疸腸癖洩痢逐水下血閉惡瘡疽
蝕火瘍目赤腫解在肌風熱泄肺受火邪上
逆於膈上消膈上熱痰及胃中濕熱小腹絞
痛利小腸主天行熱疾丁瘡乳癰發背

枯飄者名宿芩入肺經酒炒上行主上部
積血圓實者名子芩入大腸除熱補膀胱
不足滋其化源治下痢膿血腹痛後重身
熱與芍藥甘草同用又主姙娠爲安胎之
聖藥清熱降火故也又得厚朴黃連止腹

痛得五味子牡蒙牡蠣令人有子得黃耆

白欬赤小豆療鼠瘻

草龍膽

君

味苦澁氣大寒氣味俱厚陰也無毒

貫衆爲之使
惡防葵地黃

主骨間寒熱驚癇邪氣殺蟲毒除胃中伏熱
時氣溫熟黃疸下焦濕腫熱洩下痢去腸中
小蟲益肝膽氣止驚惕酒浸之則上行治兩
目赤腫睛脹瘀肉高起疼痛不可忍佐柴胡
眼疾必用之藥也久服益智不忘輕身耐老
空腹勿餌令人溺不禁又治癰腫口瘡小兒

驚癰客忤痺氣

防已

君

味辛苦氣平寒陰也無毒通行十二經

殺雄黃毒惡細辛畏草薢根陰乾去皮用
文如車輻理解鮮者良漢防已君木防已使即
根苗之名

主風寒溫瘡熱氣諸癰除邪利大小便療風
水氣腰已下至足濕熱腫脚氣去膀胱熱及
傷寒寒熱邪氣中風手脚攣急又主肺氣喘
嗽膈間支滿殺癰腫惡結諸蝸疥癬蟲瘡○
漢主水氣木主風氣

葛根

臣

味甘氣平性輕浮無毒足陽明經行經

的藥

救野葛已豆下藥
根暴乾取入土深者去皮用
毒五月採

主消渴身大熱嘔吐諸痺起陰氣解諸毒療
傷寒中風頭痛解肌發表出汗治脾虛而渴
能升提胃氣除胃熱解酒毒療金瘡止痛○
生根汁大寒治天行時病壯熱煩渴熱毒吐
血及妊娠熱病心悶小兒熱痞○葉主金瘡
止血○葛穀主下痢十歲已上○花主消酒
并小豆花乾末服方寸匕飲酒不知醉○葛
粉甘寒主壓丹石解鴆毒水調服三合食之
去煩熱利大小便止渴

栝樓根

味苦氣寒味厚陰也無毒

枸杞爲之
倍惡乾薑

畏牛膝。乾漆。反烏
頭。入地深者良。

主消渴身熱煩滿大熱補虛安中續絕傷除
腸胃中痼熱八疸身黃唇乾口燥短氣通月
水止小便利排膿消腫毒生肌長肉消乳癰
發背痔瘻瘡癰撲損瘀血○莖葉治中熱傷
暑最效○子味苦甘性潤治痰嗽利胃膈甘
能補肺潤能降氣胃有痰者以肺受逼失降
下之令今得甘緩潤下之助則痰自降宜爲
治嗽之要藥又洗滌胃膈中垢膩治消渴之

細藥又止吐血腸風瀉血赤白痢並炒用又下乳汁取仁炒乾令香熟爲末酒調一七合面卧少時

苦參

味苦氣寒沉純陰無毒

玄參爲之使惡月母菟絲反黎

蘆少入湯用多作丸服或浸酒

主心腹結氣癥瘕積聚黃疸溺有餘瀝逐水除癰腫補中明目止淚治時氣惡病大熱腸澀熱痢熱毒風皮肌煩燥殺蟲瘡疥赤癩眉脫治大風有功及遍身熱細疹疼痛胷脛臍腹近陰處皆然

有人用楷齒歲久遂得腰重之疾蓋能峻

補陰氣氣降而不升故也○癩疾惡物取五

斤切以好酒三斗清二月每飲一合日三服不絕瘟病狂言心燥

結脊垂死取一二兩以酒二升煮一升腸

風瀉血并熱痢炒帶烟出為末飯飲下卒心痛取一兩酒

煎熱服

防葵君味辛甘苦氣寒無毒二月三日採根日乾依時採者入水

沉勿誤用狼毒

主疝瘕腸泄膀胱熱結溺不下欬逆溫瘧鬼

瘡癰癰驚邪狂走小腹支滿腫脹口乾除腎

邪强志久服堅筋骨益氣輕身

藍寶

君

味苦甘氣寒無毒

即大葉藍莖葉可染青

主解諸毒殺蠱蛟

音其小兒也

疰鬼螫毒填骨髓

明耳目調五臟六腑利關節益心力久服頭

不白輕身○其葉汁殺百藥毒毒藥毒箭毒

刺金瘡血悶驚癢蟲蛇傷蜘蛛蜂螫毒丁瘡

腫毒遊風熱腫天行熱狂心煩燥悶寒熱頭

痛鼻洪吐血赤眼產後血暈小兒壯熱熱疳

丹熱禿瘡

治驚癢

葉一斤搗以水二升諸蟲傷咬取

一碗入雄黃麝香二物隨意多少投汁中以點交廣若是有毒者即再細服其汁神異

青布燒作灰

傳惡瘡經年不差者及灸瘡止血令不中風

青黛

君味鹹甘氣寒

出波斯國染笔上池沫紫碧花者用之同青黛功

主解諸藥毒收五臟鬱火小兒諸熱驚癇發

熱天行頭痛並水研服之治小兒疳熱痢消

瘦諸病瀉肝消食積殺惡蟲物化為水摩傳

熱瘡惡腫金瘡下血蛇犬等毒甚效

景天

君一名慎火

味苦酸氣平無毒一云有小毒

四月

四日七月七日採陰乾

主大熱火瘡身熱煩邪惡氣諸蟲毒金瘡止

血風疹惡痒熱毒丹腫浴小兒去煩熱驚紫
風軫生搗傳小兒赤遊丹毒○花主女人漏
下赤白輕身明目

茵陳蒿

使

味苦辛。氣平微寒。陰中微陽。無毒入

足太陽經。

五月及立
秋採乾

主風濕寒熱邪氣。熱結黃疸。通身發黃。小便
不利。鮮傷寒煩熱。頭熱腦痛。行滯氣。化痰利
膈。久服輕身益氣耐老。

仲景治濕熱陽黃。茵陳梔子大黃湯。陰黃
茵陳附子湯。大抵以此藥為主。各隨寒熱。

而佐以他藥

知母

君味苦辛氣寒無毒足少陰經本藥

勿犯鐵器

行經上頸酒炒用

主消渴熱中除邪氣肢體浮腫下水補不足益氣補腎水瀉腎中火治有汗骨蒸熱勞往來傳尸症病傷寒久瘡煩熱消痰止嗽潤心肺患人虛而口乾加用之又治溪毒大勝兼辟射工夏月出行取屑自隨欲入水先取少許投上流

貝母

臣

味辛苦氣平微寒無毒

厚朴白薇爲之使畏秦艽礞石

反烏頭九
使去中心

主傷寒煩熱淋瀝邪氣疝瘕喉痺乳難金瘡
風痙腹中結實心下滿欬嗽上氣消痰潤心
肺散心腎鬱結之氣殊有功詩云言采其蟲
者是也與連翹同主項下瘤癭疾敷惡瘡至
能歛瘡口

產難及胞衣不出

取七枚末酒調下

作人畜惡瘡

燒灰

油調傳之

昔有人左膊有瘡如人面歷試諸藥

無苦

至貝母瘡乃聚眉開口因以小筆筒吸其口灌之數日成痂愈

地骨皮

味苦氣寒陰也入足少陰經手少陽

經。去骨用根皮

主五內邪氣。熱中消渴。風濕周痺。補內傷。大勞。解有汗骨蒸。及去肌熱。涼血。涼骨。堅筋骨。強陰。利大小腸。

紫苑。巨味苦辛。氣溫無毒。款冬為之使。惡天雄。畏麥。雷丸。遠志。畏茵。

陳金。乾蜜水浸一宿。焙乾。去蘆頭。

主欬逆。上氣。胃中寒。熱結氣。去蠱毒。痿癰。安五臟。益肺氣。療肺痿。欬唾膿血。消痰止喘。悸五勞體虛。補不足。小兒驚癇。

久嗽不差。款冬花各一兩。百部半兩。為末。每服三錢。七生薑三片。烏梅一。

箇煎湯調食後
飲卧各一服效。

百部根使味甘苦氣微溫。又云微寒無毒。一云

有小毒。

火炒酒
浸用。

主肺熱欬嗽。上氣潤益肺治嗽。多用。又治癰
虻及傳尸骨蒸。勞殺寸白。蛭蟲亦去。蟲煮作
湯洗牛犬蟲。即去并治一切樹木蛀蟲。燼之
亦可殺蠅蠹。

暴嗽久嗽

同生薑二物各絞汁合煎服。又
單用搗絞汁煎如飴服。方寸七

日三
服。

欵冬花

君

味辛。性氣溫無毒。

杏仁為之使。得紫
苑良。惡消石玄參。

長貝母辛夷麻黃黃耆黃芩黃連青箱百草
中惟此不類冰雪最并春也採花陰乾微炙
花未舒者良

主欬逆上氣善喘息呼吸連連不絕涕唾稠
粘潤心肺消痰止嗽治肺痿肺癰吐膿血心
虛驚悸洗肝明目喉痺諸驚癇寒熱邪氣除
煩補勞劣

古今治嗽之最

取花於無風處蜜器燒用
筆管吸其烟滿口則嚥之

數日
效

白前臣味甘辛氣微溫一云微寒無毒

白而長
於細辛

但粗
而肥

主胃脇逆氣欬嗽上氣衝喉中呼吸欲絕不得眠當作水鷄聲善能保定肺氣治嗽多用之以溫藥相佐使尤佳

馬兜鈴

味苦氣寒無毒

土青木香子也只取向裏面子去革膜入

藥妙用

主肺熱咳嗽氣上逆連連不可痰結喘促又主血痔瘻瘡以藥於瓶中燒熏病處

桔梗

臣

味辛苦氣微溫味厚氣輕陽中之陰有

小毒

畏白及龍眼龍膽凡使去頭及兩畔附枝米泔浸一宿焙乾用

主胃脇痛如刀刺腹滿腸鳴幽幽驚恐悸氣

治鼻塞喉咽痛及喉痺利嗌咽胃膈之氣治肺熱氣奔促嗽逆消痰涎肺癰排膿養血補內漏治下痢破血積氣中惡下蠱毒及小兒驚癇客忤

能載諸藥不下沉故名舟楫如大黃苦泄峻下之藥欲引至胃中至高之分成功必用此又能開提氣血氣血藥中宜用之又得牡蠣遠志療恚怒消石石膏療傷寒

王瓜

使味苦氣寒無毒

即月令所謂王瓜生者是也三月採陰乾

主消渴內痺瘀血月閉寒熱酸疼益氣愈聾

療諸邪氣熱結鼠瘻散癰腫留血止小便數
遺不禁○子潤心肺肺痿吐血腸風瀉血赤
白痢炒用

蠱毒

取根搗汁和酒服當吐下

下乳汁

為末酒服一錢日三服

黃疸

黑疸

取根搗汁六合頓服當有黃水隨小便出未出更服

菰根

味甘氣大寒無毒

南人為菜

主腸胃痼熱消渴止小便利

芋根

使味甘氣寒

主小兒赤丹治諸癰疽發背或發乳房搗傳
之亦罽毒箭蛇蟲咬妊娠胎動不安漏胎下

血產前後心煩悶。天行熱疾太渴大狂。服金石藥。人心熱俱煎服之。○漬苧汁療消渴。○苧麻產婦枕之止血暈。安臍上止產後腹痛。蠶咬人毒取汁飲之。今以苧近蠶種則蠶不生。

耳蕉根

君味耳氣大寒無毒。

主癰腫結熱。發背諸毒。小兒赤遊。搗傳之。乾即易產後血脹悶。天行狂熱煩悶。及消渴金石發動躁熱。絞汁服。○蕉油治暗風癰病。涎作暈悶欲倒者。得吐便差。有奇效。又婦人塗

髮令黑及不落用竹筒插皮中取之如取漆法。

蘆根

使

味甘氣寒。

主消渴客熱止小便利治寒熱時疾煩悶妊孕人心熱治嘔噦不下食胃中熱水煮頓服之良。解食魚鱗中毒。○其花名蓬茸主卒霍亂危急者取一把煮濃汁頓服二升差。

蘭草

味辛甘氣平寒無毒。

衍義云即春秋開花之蘭香入藥煎

用

主利水道殺蟲毒辟不祥除胃中痰癖久服

益氣輕身不老通神消諸痺散久積陳鬱之
氣甚力其氣清香生津止渴消渴證非此不
除膽痺必用

杜若 味辛氣微溫無毒

得辛夷細辛良惡柴胡前胡條根日乾

主胷脇下逆氣溫中風入腦戶頭痛腫多涕
淚出眩倒目眈眈除口臭氣久服益精明目
輕身令人不忘